

薛氏醫書
六

口齒類要目錄

蠶唇第一

口瘡第二

齒痛第三

舌症第四

喉痺第五

喉間雜症第六

諸骨稻穀髮鯁第七

治諸鯁呪法第八

誤吞水蛭第九

諸蟲入耳第十

蛇入七竅及蟲咬傷第十一

男女體氣第十二

附方并註

口齒類要目錄終

口齒類要

古吳薛 已著

後學宋 璫校

蠱唇一

內經云脾氣開於口又云脾之榮在唇蓋燥則乾熱則裂風則瞶寒則揭若唇腫起白皮皺裂如蠱蠱名曰蠱唇有唇腫重出如蠱者有本細末大如蠱如瘤者或因七情動火傷血或因心火傳授脾經或因厚味積熱傷脾大要審本症察兼症補脾

氣生脾血則燥自潤火自除風自息腫自消若患
者忽畧治者不察妄用清熱消毒之藥或用藥線
結去反爲翻花敗症矣

治驗

州守劉克新患蠱唇時出血水內熱口乾吐痰體
瘦腎虛之症悉具用濟陰地黃丸年許而愈

一儒者因勞役感暑唇生瘡或用四物加黃柏知
母之類而愈後復作彼仍用前藥益甚腹中陰冷
余用補中益氣湯加茯苓半夏治之而愈

儒者楊國華因怒唇口兩耳腫痛寒熱余謂怒生熱熱生風用柴胡山梔散數劑而愈

一男子素善怒唇腫脹服清胃等藥時出血水形體骨立余用補中益氣加半夏茯苓桔梗月餘唇腫漸消元氣漸復又以四物加柴胡炒梔丹皮升麻甘草數劑乃去梔加參朮而痊

一婦人懷抱久鬱或時胃口嘈辣胸膈不利月水不調而衰少日晡發熱食少體倦唇腫年餘矣余用歸脾湯加薑汁炒黃連山梔少佐吳茱萸嘈辣

頓去飲食少進乃去黃連加貝母遠志胸膈通利
飲食如常又用加味道遙散歸脾湯間服百餘劑
月水調而唇方愈

一婦人懷抱久鬱患蠱唇雜用消食降火虛症悉
具盜汗如雨此氣血虛而有熱也用當歸六黃湯
內黃芩連栢俱炒黑二劑而盜汗頓止乃用歸脾
湯八珍散兼服元氣漸復更以道遙散歸脾湯間
服百餘而唇亦瘥

一婦人唇裂內熱二年矣每作服寒涼之劑時出

血水益增他症余用加味清胃散而愈後因怒唇
口腫脹寒熱而嘔用小柴胡加山梔茯苓桔梗諸
症頓愈復用加味逍遙散而康

一婦人善怒下唇微腫內熱體倦用化痰藥食少
作嘔大便不實瘀出血水用理氣消導胸膈痞滿

頭目不清唇腫經閉用清胃行血肢體愈倦發熱
煩躁涎水湧出余曰此七情損傷肝脾誤行剋伐
所致遂用濟生歸脾湯食進便實用加味逍遙散
腫消熱退用補中益氣湯脾健涎止後因怒寒熱

耳痛胸膈脹悶唇焮腫甚此怒動肝火而傷陰血
用四物合小柴胡加山梔頓愈又因怒脇乳作脹
肚腹作痛嘔吐酸涎飲食不入小水不利此怒動
肝木而剋脾土用補中益氣加川芎芍藥而愈又
勞役怒氣飲食失節發熱喘渴體倦不食下血如
崩唇腫熾甚此肝經有火不能藏血脾經氣虛不
能攝血用補中益氣加炒黑山梔芍藥丹皮而愈
一男子內熱作渴咳唾痰涎大便乾澀自喜壯實
問治於余余曰此脾腎陰虛陽旺之症當壯水之

主不信自服二時

芩連之類次年下唇漸腫小便

赤濇執守前藥

出血水大便黑塊小便淋瀝請

余往治余曰大

結黑小便淋瀝肝腎敗也唇

腫白脾氣敗也

不赴竟歿

一婦人月經不

兩足發熱年餘後而身亦熱勞

則足腿酸疼又

餘唇腫痛裂又半年唇裂血出

形體瘦倦飲食無

味月水不通唇下腫如黑棗余

曰此肝脾血虛

症彼不信用通經等藥而死

一婦人善怒唇腫

或用消毒之藥唇脹出血年餘

矣余曰須養脾胃
滋化源方可愈彼執用前藥狀
如翻花瘤而死

口瘡二

口瘡上焦實熱中
焦虛寒下焦陰火各經傳變所
致當分別而治之
如發熱作渴飲冷實熱也輕則
用補中益氣湯重
則六君子湯飲食少思大便不
實中氣虛也用人
參理中湯手足逆冷肚腹作痛
中氣虛寒也用附
子理中湯晡熱內熱不時而熱
血虛也用八物加
丹皮五味麥門
發熱作渴唾痰

小便頻數腎水虧也用加減八味丸食少便滑面黃肢冷火衰土虛也用八味丸日晡發熱或從腹起陰虛也用四物參朮五味麥門不應用加減八味丸若熱來復去晝見夜伏夜見晝伏不時而動或無定處或從腳起乃無根之火也亦用前丸及十全大補加麥門五味更以附子末唾津調搽湧泉穴若槩用寒涼損傷生氣爲害匪輕

治驗

秋官趙君言曰舌生瘡勞則體倦發熱惡寒此內

傷氣血之症用補中益氣加五味麥門而愈

進士劉華甫口舌生瘡午前熱甚脉數而有力用
清心蓮子飲稍愈更以四物二連湯全愈後因勞
役日晡發熱脉數而無力用四物加參朮柴胡少
差但體倦口乾再用補中益氣湯而愈

武庫劉君口舌生瘡口乾飲湯乃胃氣虛而不能
化生津液也用七味白朮散而痊

延評曲汝爲口內如無皮狀或咽喉作痛喜熱飲
食此中氣真寒而外虛熱也用加減八味丸而愈

儒者費懷德發熱口舌狀如無皮川寒涼降火藥
面赤發熱作嘔少食痰涎自出此脾胃復傷虛寒
而作也用附子理中湯以溫補脾胃用八味丸補
命門火乃愈

一男子口糜爛脉數無力此血虛而有火用四物
加茯苓白朮少用黃柏知母治之而痊

地官李孟卿子新昏口舌糜爛日晡益甚用八珍
湯加五味麥門而口瘡愈更用加減八味丸而元
氣實

一男子唇舌生瘡口苦作嘔小便淋瀝此肝脾火動以小柴胡加山梔酸棗仁遠志麥門諸症漸愈但晡熱體倦用四物柴胡山梔而愈又加白朮茯苓炙草而安

一儒者口苦而辣此肺肝火症先以小柴胡加山梔胆草茯苓桑皮而漸愈更以六君加山梔芍藥而全瘥若口苦脇脹小便淋瀝此亦肝經之病用味丸以滋化源

一男子口臭牙齦赤爛腿膝痿軟或用黃柏等藥

益甚時或口鹹此腎經虛熱余用六味丸悉瘥

一婦人口苦脇脹用小柴胡山梔黃連少愈更以四君子加芍藥當歸柴胡而瘥

一婦人每怒口苦發熱瞋甚以小柴胡合四物二劑更以四物加柴胡白朮茯苓丹皮而愈

一婦人每怒則口苦兼辣頭痛脇脹乳內刺痛此肝肺之火用小柴胡加山梔青皮芎歸桑皮而安後勞兼怒口復苦經水頓至用四物加炒苓炒梔炒胆草一劑更以加味道遙散而康

齒痛三

齒者腎之標口者脾之竅諸經多有會於口者齒
牙是也徐用誠先生云齒惡寒熱等症本手足陽
明經其動搖脫落本足少陰經其蟲痺齲腫出血
痛穢皆濕熱胃火或諸經錯雜之邪與外因爲患
治法濕熱甚而痛者承氣湯下之輕者清胃散調
之大腸熱而齲腫痛者清胃散治之重則調胃左
清之六鬱而痛者越鞠丸解之中氣虛而痛者補
中益氣湯補之思慮傷脾而痛者歸脾湯調之腎